

題辭



余評空同詩五



勝七



言絕句五言古七言古勝七

言律五言律樂府學漢魏似

童謠者又絕勝世徒學其七

言律是徒學其下者耳

成都楊慎用脩父識



*Faint bleed-through text from the reverse side of the page, including characters like '空同詩選' and '河之水歌'.*

古體四首

空同詩選

河之水歌

河之水、李子為其子作也、以子追不及、  
河之流、濺濺望父不見、立河干、  
河水澌澌、舟子搖櫓、東方漸明、爾不得渡、



雞鳴歌

雞鳴歌者、李子去江西而作者也、孤舟泝江漢、  
而上、

東方白、今雞鳴、膠膠鼓予、權兮沙之坳、明星上船、

空同詩選

梳北斗入地離離蘆中人逝而逝而

內教場歌

內教場歌者李子紀時事而作者也 帝自將

練兵於 內庭

雕弓豹韃騎白馬大明門前馬不下徑入內伐鼓  
大同邪宣府邪將軍者許邪 一解 武臣不習威奈  
彼四夷西內樹旗 皇介夜馳鳴砲烈火嗟嗟辛

苦 二解

招隱山辭

山之桂青青秋風綠葉冬不零王孫幾時歸山空  
蕙草摧 山之草萋萋春風花發桃源迷子規啼  
竹陰日暮愁人心 秋之夕螢飛山風霜露沾人  
衣洞門翳寒蘿奈茲華髮何

擬前緩聲歌

萬水東流魚西上游不虞彼有漁子置我於其鈎  
魚告漁子女曷太荼寬大福厚不見是圖漁乃偃  
僕伸鈎我脫身以游漁起揮手謝天命各有由此  
魚銜明珠來報當日漁

李子曰世嘗謂刪後無詩無者謂雅耳風自謠口出孰得而無之哉今錄其民謠一篇使人知真詩果在民間於乎非子期孰知洋洋我哉

郭公謠

赤雲日東江水西，榛墟樹孤禽來啼。語音哀切行且啄，慘怛若訴聞者悽。靜察細忖不可辯，似呼郭公兼其妻。一呼郭公兩呼婆，各家栽禾栽到田。誰教檢取螺，公要螺炙婆言攝。客攝得客來，新婦偷食公欲罵。婦婆則嗔婦頭插金行帶銀，郭公唇乾口燥救不得。哀鳴繞枝天色黑。

豆娘子

豆娘子者蜻蜓之細也，輕盈側媚羣游而寡忌。

李子見之傷焉作豆娘子

汝何者物小而輕盈，灼灼悠悠揚朋從。寡畏緇衣紺裳，或翠其衿或朱而黃。嬉戲長莪窈窕水旁，餐膏浴滋飲露吞香。才不我知謀寧自臧，兒童撲弄姬媵憐傷。豆卿子卿娘子，豆娘百卉隕零。比風雨霜弱不敵威，蚱蜢同戕。肅肅鴻鵠雲海，翱翔噦噦者鳳覽輝。梧岡微末之蟲，何勞短長。

榆臺行

其事在弘治乙丑年

榆臺高高風吹樹稍都搖搖臺下黃羊走黃蒿山  
頭看看日落鬻策四面吹軍中白旗身姓誰向前  
看有河河水深彼不怕死我亦人力能拔虎尾人  
虎或兩存歸爲鬼雄榮爾覓

白毛行

甲申元日作

元日地動生白毛發春當暖風瀟騷天時尚然有  
錯迂老夫何怪兒童曹君不見猛虎失勢人寢其  
皮惜也豈復能咆哮我歌白毛比之董逃

好句法

古詞警語

長歌行

籠中鴨望水中鴨一鳴一答汝雖有羽翼不如我  
泛綠波食魚鰕奔萍拍藻入煙浦籠中之鴨心徒  
苦

禽言

泥滑滑車馬不得安何不停車繫馬待泥乾

行不得哥哥東有木公西王婆南面設罾北張羅

行不得哥哥

姑惡姑惡小姑刺齷姑不樂新婦早煮舖低聲奉

以童謠諺語  
作禽言最得  
體六首取四  
冠絕今古矣

小姑

提壺盧提壺盧盛酒背母私餉妻妻可再得母恩

罔極

董逃行

涉江登彼西山下看城郭鬱盤城中閣殿斑斕嘉  
樹一何紛綸上有鳴鳥旦暮間關遙望我心浩歎

一解

闐闐寂閭民生何艱終朝缺突無烟胡彼來

往翩翩綺衣車馬可憐

二解

誰家起樓造天歌鐘

舞管喧闐剝羊宰牛列筵何但一食萬錢倏忽日

薄重淵

三解

明燈熒熒爛堂綉幃雞舌流黃樂人

調瑟未央千年萬歲奉觴豈知老至悲傷

四解

月逝矣不我留精銷時往霜霰交流繁華零落山

丘心懽意愛為他人收哀哉胡不德求

雨雪曲

冬十一月阻舟徐汊朔風比來雨雪紛下禽鳥凍

寂洲村肅夜纜夫來言衣單腹餓波流洄洄促舟

難駕我心悽惻羽翼儻假

一解

七月燠土今幸雨

雪往者難追來春可沃我雖波阻心則怡懌購蔬

六言亦彷彿  
漢調但不純  
耳

直逼漢魏洲  
村肅夜尤奇  
所謂橫空排  
硬語也

城市貸米逾澤原，  
阪蕭條鴈鴻輯集貧士罔懷一。  
陽環復二解青青者衿涉江我求大澤寒冥胡子  
能來鷺鷥難飛潭網頓集網收魚跳閱忘寢食荒  
岑險艱豈我能處南紀凍肅返比于土三解

獨漉篇

獨漉獨漉棄田求屋其屋雖大其人則餓小人在  
旁譬如蠶蝎恩之雖勤莽之則螫葳葳艷陽桃李  
吐英未曾結實誰辨苦蜜錦繡圍廁過者掩口珠  
玉委途奚異塵土臨淵趣輪臨壑振綬人孰不聞

傑亦孰不知綦絢之美不以爲纈身尊道高名爲雋

襄陽浣婦行

彼誰者嫗吾家浣衣新寡寒賤髮髮霜飛體無完  
衣十日九饑態度則殊辯是知非嫗泣答言妾襄  
宮女少小入宮荷主憐顧四十始出嫁爲民婦灌  
田采薪奄就貧窶舞裳綻汙形容改故夫死男孺  
藜藿靡救嫗咽復言侍襄定獻幾三十年王有義  
辭皇嘉特宣父子俱覲妃嬪如煙鈿第載路龍旂

飄翩御使絡繹珍車斑斑漢峴同清天歌播焉袞  
鳥南還層城言言鳥春日妍桂官有延傑臣觴壽  
玉娥奉筵王既捐世變來罔度聞見駭異古殿寂  
寞嫗勿更言萬類咸爾厥亦天道安之則已

鴈門太守行

鴈門太守汝何人治邦三月稱明神我有牛羊賊  
不來掠我有禾黍人不敢割昔我無衣今有袴著  
我思禮拜太守太守不見憐但聞太守身姓邊紫  
髯廣額聳兩顴太守出門四牡騤騤後擁阜蓋前

純似古樂府  
漢魏以下絕  
無僅有

導兩麾行者盡辟易居者不敢窺旁問太守胡所  
之云訪城南皇甫規

渡河篇

小麥黃黃河波君奈何今渡河昔君游此思君一  
見經旬累月不君一面君今渡河乃往何縣跂予  
望之淚下如霰汀有鳧兮止有蘭枝相亞兮居不  
單人生心事豈有殫君慎動靜加君餐

黃鵠篇

黃鵠游四海倦言還故邦中路失其雌三年迺有

極古極雅

作楚辭三句  
接賦比興皆  
盡



雙鴛鴦毛羽縹哉工。鳳儔鶴匹渠。豈同嬾婉權娛。  
斝酒豐琴鳴瑟奏。芳夜中樂極思來內。忡忡驗新。  
追故悲悔叢。人生萬事慎勿輕易。狸鼠之能詎逮。  
騏驥車牽美期。谷風興刺我心。自知聿斯語誰。

擬燕歌行

花稀葉艷縈蕪芳。皇皇溥原脩。且將陽浮野曠雲。  
飛揚風沙眯目。燠氣黃禽獸阻。饑狐在梁與言送。  
君還故鄉牽袂欲別立。徬徨延視極騁中。自傷締。  
交心違隔肝腸。人去孰予共。杯觴蘭橈桂檣。文荔。

用毛詩語真  
奪胎換骨

檣逝哉汗漫凌洪洋。安能假翼東南翔。何以贈君。  
紫玉璫。又何贈之雲錦裳。永言嗣茲無我忘。

采菇曲二首

衆星欲沒月模糊。人家河上起相呼。相呼相喚采。  
秋菇問渠早起緣何事。此草日出化作田中枯。采。  
菇采菇君早歸。霜寒露重濕人衣。藍田白玉非無。  
種不似商山好蕨薇。

二

白如白玉簪。香如玉田禾。行人且莫行。聽我采菇。

歌儂家住黃河曲一日波濤怨殺河河來有魚  
去有麥麥下秋霜采菇多不求河向城南去只願  
年年河不波

### 史烈女

史烈女者杞史氏之女也未嫁而死其夫是踰  
禮以守信破經而成仁者也李子曰史氏女有  
激俗之功焉然予聞其言矣於是乎述

梨花如雪霜鴛鴦不成雙我心明如鏡我心清如  
冰鏡明有塵時冰覆無收理古昔華山畿行人下

居無後四句  
便宋人可及  
耳

馬拜春風兩峽蝶綠草搖衣帶

### 艷歌行

杲日出扶桑照我結綺窻綺窻不時開日光但徘徊

徊一解通阡對廣陌柳樹夾樓垂上有織素女歎

息爲誰思二解步出郭東門望見陌上柳葉葉自

相當枝枝自相糾三解

### 汝爲我楚舞

汝爲我楚舞吾爲若楚歌黃鵠翼成將奈何黃鵠  
一舉橫四海君王豈有四海羅君無四海之羅安

用此殃君美人毒君子

車遙遙

車遙遙遙復邁邁望見秋塵起不見車輪轉知  
在秋塵裏

李廣

李廣昔未遇射獵誰見稱君王猶未識他人寧不  
輕日從田間飲夜止灞上亭醉尉前呼呵小吏亦  
見凌一朝剖郡符飛蓋赴北平凭軾覽百邑樹羽  
寧千城亭障不設燧櫜馬躍頓纓彎弓射虎歸淡

可入漢詞

五言古十一首

淡黃雲生自從結髮戰舍鏑無虛鳴威懼五單于  
胡人寤寐驚孰知身運垂數竒竟無成壯顏逐年  
衰白髮忽見嬰寄言雄圖者俟命莫吞聲

春日洪法寺後岡

暄陽入廣墟平阡暖煙蕪稅鞅尋高禪陟丘眺神  
都白日麗中衢青霏藹林岨碧草一何萋叢葩亦  
已敷纍纍誰氏墳嶒嶒三浮圖鑿石銅九泉雄構  
耀城隅輿臺盜綺衣苔蘚封丹樞矯首視天宇剡  
剡浮雲徂崇名古所欽多藏祗區區

空同詩選

溫太真墓

雙鵝讖妖端一馬前休兆中原既板蕩臣主同奔  
峭長蛇恣吞噬白日掩孤曜心違祖逃楫事蹟扶  
風嘯康屯見斯人辱已存機要建侯竟誰功江介  
無飛旄勲成身乃殂天逝徒心悼側惟盈縮理虛  
咎燃犀照遺墳闕清千古樹寒新廟來阡莽迴鬱  
弭節紛延眺載瞻徐墓邇益壯風流紹

功德寺

宣宗昔行幸遊戲玉泉傍立宇表巖嶮開池荷芰

香波樓遞感杳風松奏笙簧百靈具來朝落日錦  
帆張萬乘雷霆動千岩滅流光綺繡錯展轉翠旗  
杳低昂法眷撞鐘鼓宮女拭御牀笙鏞沸兩序星  
斗宿岩廊至尊奉太后國事付三楊六軍各晏眠  
百官守舊章巡非瑤水遠跡豈玉臺荒嗚呼百年  
來回首一慨傷風騰赤霄暮龍歸竟茫茫山風撼  
網戶紫殿生夜霜退朝值休沐我行暫翱翔娟娟  
登岸林慘慘度石梁廢道哀湍寫松柏間成行啓  
鑰肅覽歷過位增悲涼積久灑掃缺乳鶴鳴膳堂

舊時琉璃井、倒樹如人長。神已佐上帝、教猶托空王。  
鈴磬颯鳴戛、晨昏禮相將。盤遊非聖理、操縱在先皇。  
至今朝廷上、不改舊紀綱。

鏡光閣

我生走紛境、性意苦不適。竭來鏡光遊、不覺祇樹夕。  
烏藏丹閣暮、蕭槭柿葉赤。杳如造岩壑、聞其寡人跡。  
其王戴金冠、天子之所客。迓我蒼荀下、坐我紅罽席。  
落日入虛牖、窈窕雲光白。團團石蓮燈、照耀錦繡壁。  
忽聞鈴磬發、轉悵俗務迫。靜躁本殊科、

其王四句杜句法

利義各有癖、伊余竟何爲。奔迸阻行役、乞君摩尼珠。  
一照幸不惜、

酬伊陽殷明府追憶見寄十四韻

弱齡負竒節、志欲凌海嶽。白馬金陵來、遊戲宛與洛。  
出從七貴飲、醉調五侯謔。妍華不見售、讒巧恩愛奪。  
涼風捲團扇、世路隨飛藿。謫居宰山邑、頗喜占名郭。  
川嶺鬱森秀、烟雲日噴薄。況當素秋霽、清霜掃天末。  
龍門旣疎峻、伊水復澄豁。啓牖眺飛泉、據案望岑嶸。  
獨撫岩中琴、遙枉汴上作。懷賢諒在

置之文選亦不能辨

茲感舊但如昨。徒然佇玉鳧。未果偕緱鶴。終期謝  
紛埃。攜手向嵩嶽。

乙丑除夕追往憤五百字

憶昔蕤賓初。皇疾輟臨仗。維日白氣亘。黑風復排  
踢。俄傳天柱折。忽若慈母喪。帝本堯舜姿。未履轉  
清伉。歛衽接者頤。高出文景上。兩宮悅孝子。九廟  
歆流鬯。毅然整六師。霹靂無前向。犬羊遁朔漠。鯨  
鯢蟄溟漲。困冲不凝壽。日表空殊相。蜿蜿湖中龍。  
一夕拔驚浪。回首哭蒼梧。蒐斷湘南瘴。念昨下明

序事有扛鼎  
筆力句法雖  
與選殊而與  
少陵上下矣  
必傳之作也

綸臣也。誠無狀。誓死叫閭闔。伸頸甘磈盎。梁竇勢  
如灼。漢廷色惆悵。皇乃西園遊。召彼侍供張。從容  
杯酒間。似讓還非讓。未剖青鎖封。已下金雞放。臣  
某詎足惜。統體關衰王。歷數古明辟。聖節疇能尚。  
逝欲碎臣骨。顙帝不得廷。攀髯眇莫及。痛哭橋山  
葬。玉光動前星。朱符闡靈臆。主器難久虛。勉起答  
羣望。金木歟爲祟。太白晝相抗。羯胡敢余侮。吾徒  
盡乘障。嗚呼榆臺役。棄我六千壯。踉蹌戰士骨。躡  
蹶將軍鞞。二豎固輕率。腐屍亦云當。所恨國威辱。

北鄙氣悽愴，鉦鼓疑皇情。何以慰宸況，悽悽建未  
月臨門，遣征將統絳。絳作元戎京軍本，浮宕翻使沿  
邊卒，束手遭箠掠。揭嶮雲中城，誰復扼其吭。胡來  
風雨聲，胡去橫拍唱。千村與萬落，人煙莽蕩蕩。嬰  
兒貫高梁，志婦經衣桁。狐狸叫破壘，落日悄澹澹。  
此輩誠鼠竊，反覆亦難量。騏驥駕鹽車，虛名縛骭  
髒。世豈乏頗牧，賤或執鞭杖。鎖鎖登壇子，飽之則  
飛颺。吁此良太枉，國愾何由暢。水旱而秋雷，陰陽  
迭驕亢。皇天雖至公，視之但塊塊。臣當歷服始，謬

進大夫行，退朝實憤切。欲吐畏官謗，武王秉黃鉞。  
師事太公望，列聖構梁棟。駕馭亦英匠，先帝升遐  
日臨榻，召三相。

湘妃怨

采蘭湘北，沚寧水。澧南溇淥，水含瑤彩。微風託玉  
音，雲起蒼梧夕。日落洞庭陰，不知篁竹苦。惟見淚  
斑深。

朔日

朔日悲風起，空除落葉平。猶聞砧杵急，已復剪刀

鳴一夜傳霜箭黃雲滿塞城

贈蒼谷子

玄雲翳白日積陰何漫漫風氣日以淒泥雨常不  
乾漂箠委川塗百卉良可歎覽物懷伊人撫時悲  
涼寒憂來如亂絲理之勞無端為霜念逝鵠多露  
悲芳蘭所嗟聲影隔匪懼馨香殘徒把瑤華音長  
謠望林巒

用毛詩語妙  
多露人能  
之為霜非  
不能也公

寄贈玉溪子

松檜不棲蟬熊皮不上蟻秉性死不易斯足驗人

理苟投信若飴義交固如水如水逝則思若飴背  
乃毀悠悠徂暑月眷眷念君子霍雲停復飛汾水  
蕩而駛山西迴夕陽皎如觀光美徒操孤絕弦歎  
息竟何以

自從行

自從天傾西北頭天下之水皆東流若言世事無  
顛倒竊鈎者誅竊國侯君不見奸雄惡少椎肥牛  
董生著書番見收鴻鵠不知黃雀啅盜妬之徒笑  
孔丘我今何言君且休

七言古二十  
一首



羈旅翁行

自焚闕里手植檜天下斯文忽墜地錦衣使者日  
旁午青衿胄子時流涕霾風翩翩起白旄五月黃  
塵暗天際君不見河上羈旅翁時垂此老遭拘繼  
寶刀篇  
我有吳王雙寶刀龍鱗雪花爛照地奉君清宴可  
君意佩之十年不會離黃金鞶帶白玉鈎出入魍  
魎魑愁功高見疑反遭怒此物拋擲今兩秋丈  
夫生世軼軻亦如此終日戚戚何為爾

土兵行

只以謠諷近  
語入詩史而  
高古不可及

豫章城樓饑啄烏黃狐跳踉追赤狐北風北來江  
怒湧土兵攫人人叫呼城外之民徙城內塵埃不  
見章江途花裙蠻奴逐婦女白奪釵環換酒沽父  
老向前語蠻奴慎勿橫行王法誅華林桃源諸賊  
徒金帛子女山不如汝能破之惟汝欲犒賞有酒  
牛羊猪大者陞官佩綬趨蠻奴怒言萬里入爾都  
爾生我生屠我屠勁弓毒矢莫敢何意氣似欲無  
彭湖彭湖翩翩飄白旗輕舸蔽水陸走車黃雲捲

地春草死、烈火誰分瓦、與珠寒崖、日月豈盡照、大  
邦鬼魅難、久居天下、有道四夷、守此輩、可使亦可  
虞、何況土官、妻妾俱美酒、大肉吹笙竽

豆莖行

昨當大風吹、雪過湖船、無數冰打破、冰驤崑崙山  
嶽立、行人駭觀、淚交墮、景泰年間、一丈雪、父老見  
之、無此禍、鄱陽十日路、斷截廬山、百姓啼寒、餓旌  
竿凍折、鼙鼓啞、浙軍楚軍、袖手坐、將軍部兵、蔽江  
下、飛報沿江、催豆莖、邑官號呼、手足皴、馬驟雞犬

以險韻括俚語與土音行同

遺眠臥前時、邊達三千軍、伍箇病熱死、兩箇彎弓  
值凍、不敢發、昔何猛毅、今何懦、李郭鄴城圍、不下  
裘度淮西、手可唾、從來強弱、不限域、任人豈論小  
與大、當衢寡婦、攜兒哭、秋禾枯稿、春難播、縱使徵  
科、何自出、大兒牽、纒陸挽馱

贈何舍人齋詔南紀諸鎮

先皇乘龍去、不返悲風、慘淡吹宸極、四海哭若喪  
慈母、百官狂走、天爲黑、憶昨臨危、坐御牀、手挈神  
器歸、今皇密語、丁寧肺腑、裂三老親、聞眼流血、金

此時九道接  
得有力

兄字用韵尤  
妙正不拘今  
韵而合古韵  
矣

滕立剖石室祕此事難從外人說我君謙讓不可  
得割哀踐昨弘祖烈日月重懸萬國朝雷雨赦過  
羣方悅越南海北霹靂動蠻夷盡奉王正月此時  
九道使臣出舍人亦輟螭頭筆白馬朝騰薊北  
雲錦帆暮閃江沱日江沱秋交多烈風洞庭雲夢  
俱眼空巴陵縣令舍人兄接詔會弟西樓中童年  
題詩在高壁六載不到紗爲籠南嶽以南惟峻山  
苦蒸毒霧何盤盤天王新令雷電掣妖蛇不敢啼  
林端五溪官長喘喙拜黔州父老垂淚看却瞻蒼

梧雲氣黑斑竹臨江怨幽色翠華縹緲空冥間此  
時此恨誰知得君不見馬援柱孔明碑剝落黃蒿  
裏千年莓苔待君洗萬里之行自此始歸來何以  
獻天子

上元訪杜鍊師

宣皇昔時乘八風御龍遊戲行煙空馬前兩兩侍  
玉女別館多在蓬萊宮朝天宮中舊時殿樓臺晝  
鎖無人見琉璃井塌青苔滿松柏森森月如練嗚  
呼往事難具陳燈火如山又一春北斗壇西訪隱

嗚呼往事接  
得妙

空同詩選  
淪我師黃衫白氍毹巾坐我更致西樓賓玉杯瀲灩  
赤瑪瑙織罽四角銀麒麟酒肉山堆滿堂醉仙廚  
往往來八珍孝宗之朝五真人師也磊落當其倫  
自言召見親賜食曾把丹書獻紫宸如今寂寞看  
春色銀魚玉帶無消息豈惟魚帶無消息欲語吞  
聲淚沾臆勸師對此莫酸辛世間萬事如轉輪且  
將芝草供生計聊與煙霞作主人月偏彩雲當牖  
生旋呼兩童吹玉笙聞師妙得逡巡術百壺倒盡  
還須傾古來仙子向誰在飲者翻垂千載名名垂

千載亦區區酒闌燈昏夜復徂不見秦陵草已宿  
春生樹啼雙老烏此時亦應羣帝趨金燈翠旗元  
有無

送大司馬劉公歸東山草堂歌

東山有草堂縹緲雲嶠孤前對祝融峰下瞰巴陵  
湖明公昔時此堂居麋鹿熊豕當窻趨洞庭日落  
風浪湧倒影射堂堂欲動滲淡誰開紫芝曲獨善  
不救蒼生哭先帝親裁五色詔老成曾受三朝祿  
此時邊徼多戰聲曳履謁帝登承明謝安笑却淮

肥敵魏相坐測單于兵九重移榻數召見夾城日  
高未下殿英謀密語人不知左右微聞至尊羨自  
從龍去不可攀公亦臥病思東山湘娥含笑倚竹  
立山鬼窈窕堂之側上書苦死只欲歸聖旨優容  
意悽惻內府盤螭縷金織賜出傾朝皆動色白金  
之錠紅票記寶鈔生硬雅翎黑崇文城門水雲白  
是日觀者途路塞城中冠蓋盡追送塵埃不見長  
安陌人生富貴豈有極男兒要在能死國不爾抽  
身早亦得君不見漢二疏千載想慕傳畫圖卽如  
草堂何處無祿食覩竊胡爲乎乃知我公真丈夫  
嗚呼乃知我公真丈夫

秋夜徐編脩宅宴別醉歌

徐郎三杯拂劍且莫舞聽我擊節歌今古曲長調  
悲不易竟天地熒熒月東吐燕山八月風力怒落  
葉交加映尊俎愴時感事百憂集死別生離同一  
苦身逢累朝全盛日弘治之間我親覩朝廷無  
事尚恭默天下書計歸臺府五陵鞍馬速雷電千  
官氣勢如風雨却憶年年秋月時日與爾輩同襟

期如灑之酒差快意袒跣呼號百不思弦長柱促  
衣冠禍綜覈崩奔學士疲倉皇世事難開口物極  
則還理宜有羸疾已分沙田草遭逢復折都門柳  
富貴在天得有命人生反覆如番手不見去年臨  
別處吞聲躑躅鶯求友邂逅寒暄不自知隔絕榮  
華爲誰守歌殘酒乾天欲曙門外驪駒已西首哀  
鳴胡鴈亦南飛露濕羣星朝北斗

朝飲馬送陳子出塞

朝飲馬夕飲馬水鹹草枯馬不食行人痛哭長城

下城邊白骨借問誰云是今年築城者但道辭家  
別六親寧知九死無還身不惜身爲城下土所恨  
功成賞別人去年賊掠開城縣黑山血迸單于箭  
萬里黃塵哭震天城門晝閉無人戰今年下令修  
築邊丁夫半死長城前城南城北秋草白愁雲日  
暮鳴胡鞭

結交行贈李沔陽

古人結交如種稷今人當路栽荆棘世間萬事各  
有極人生何必相傾仄君不見李沔陽五馬昨朝

天天冰地裂衝寒煙三月不遇見天子歸途困頓  
心憂煎南行波濤值洶湧蛟龍失勢鼉鼉踴留滯  
聊栖梁孝臺醉歌真據侯羸塚却憶當年侯未鬚  
識者盡道驍驍駒落筆遽掩羽獵作挺身遂上青  
雲衢百戰不侯李廣辱一麾出守延之吁峽霾光  
射卞和玉月明淚迸鮫人珠李沔陽汝無學雲夢  
吞亦莫効江南哀六龍輓車日月輪萬里簸蕩風  
沙開棄君舟楫理銜轡有人物色騰驤材

石將軍戰場歌

清風店南逢父老告我已巳年間事店北猶存古  
戰場遺鏃尚帶勤王字憶昔蒙塵實慘怛反覆勢  
如風雨至紫荆關頭晝吹角殺氣軍聲滿幽朔胡  
兒飲馬彰義門烽火夜照燕山雲內有于尚書外  
有石將軍石家官軍若雷電天清野曠來酣戰朝  
廷旣失紫荆關吾民豈保清風店牽爺負子無處  
逃哭聲震天風怒號兒女牀頭伏鼓角野人屋上  
看旌旄將軍此時挺戈出殺胡不異草與蒿追北  
歸來血洗刀白日不動蒼天高萬里煙塵一劒掃

父子英雄古來少。天生李晟爲社稷。周之方叔今  
元老。單于痛哭倒馬關。羯奴半死飛狐道。處處權  
聲噪。鼓旗家家牛酒犒。王師休誇漢室驃。姚將豈  
說唐朝郭子儀。沈吟此事六十春。此地經過淚滿  
巾。黃雲落日古骨白。沙礫慘淡愁行人。行人來折  
戰場柳。下馬坐望居庸口。却憶千官迎駕初。千乘  
萬騎下皇都。乾坤得見中興主。日月重開再造圖。  
梟雄不數雲臺士。楊石齊名天下無。嗚呼楊石今  
已無。安得再生此輩西備胡。

玄明宮行

今冬有人自京至。向我道說玄明宮。土木侈麗誰  
辦此。乃今遺臭京城東。割奪面勢創巖業。出入日  
月開帡幪。矯托敢與天子競。立觀忍將雙闕同。前  
矧石柱雙蟠龍。飛梁逶迤三彩虹。寶構合沓殿其  
後。儼如山嶽翔天中。金銀爲堂玉布地。千門萬戶  
森相通。光景閃爍倏忽異。雲煙鬼怪芘杳濛。以東  
金榜祠。更侈樹之松。檟雙梧桐。溟池島嶼鯁鯉躍。  
孔雀翡翠兼羆熊。那知勢極有消歇。前日虎豹今



沙蟲窓扉自開衛不守人時遊觀搖玲瓏陞隅龍  
獸折其角近有盜換香爐銅青苔生泥獍面鎖野  
鴿哺子雕花櫳憶昔此闔握乾柄帝推赤心闔罔  
忠威刑霹靂縉紳毒自尊奴僕侯與公變更累朝  
意叵測培尅四海真困窮長安奪第塞巷陌心復  
豔此闔何蒙構結擬絕天下巧搜剔遂盡輸倕工  
神廠擇木內苑竭官阮選石西山空夷墳伐屋白  
日黑揮汗如雨斤成風轉身唾罵闔得知退朝督  
勞何匆匆人心嗟怨入骨髓鬼也孰復安高崇峨

碑照耀頌何事或有送男充道童聞言愴惻黯無  
咎私痛聖祖開疆功渠干威福開者誰法典雖嚴  
柰怙終錦衣玉食已叨竊琳宮寶宇將安雄何官  
不鐫護勅碑來者但看玄明宮

### 乾陵歌

九重之城雙闕峙前有無字碑突兀雲霄裏相傳  
翁仲化作精黃昏下山人不行蹂人田禾食牛豕  
強弩射之妖亦死至今剝落臨道傍大者虎馬小  
者羊問此誰者陵石立山崔嵬銅鐵錮重泉銀海

武后陵黃巢  
發之事具靈  
航膚見

中縈迴巢也信力何由開君不見金棺玉匣出人  
世薔薇冷面飛塵埃百年枯骨且不保婦人立身  
何草草

漢江歌送范子之桂陽

漢江江上鷓鴣鳴漢江游客無限情青山落日下  
帆影芳草月明聞櫂聲黃鶴磯頭暮雲盡鸚鵡洲  
邊春水生莫倚仲宣能作賦洞庭南接桂陽城

吳偉松窻讀易圖歌

仄巖泉流石無數素壁濛濛起烟霧君家屋宇在

城市何以堂上生松樹側聞江夏生氣酣掃毫素  
絕筆風雷拔地起意匠鑿天天爲怒泰山古根生  
眼前俄頃縮出徂徠山懸蘿掛薜裊裊黑復有草  
舍松之間牕間老人鬢髮禿手翻一編周易讀空  
山瑟瑟翠濤激長干冥冥暮花撲遠知旣已死希  
夷不復作青丘石室杳何許恍然置我此溪壑翻  
愁一夕雷電入六丁追書上寥廓又畫石下根屈  
曲如老龍胡奴瞑踏孤巖松蓬頭赤脚露兩肘月  
明汲泉山礪中却憶前年召畫師江夏吳生亦與

如此結方合  
作

之短褐垢臉見天子禮貌雖村骨格奇  
帝令待詔仁智殿有時半酣被召見  
跪翻墨汁信手塗白日慘淡風雲變  
至尊含笑中官羨五侯七貴爭看面  
請觀此幅松舍圖黃金失價連城賤  
吳生吳生大氣哂一言不合輒投硯  
鍾欽禮山水障子歌  
鍾生始學戴文進後來頗自出機軸  
山林槎枒波漫靡骨格雖傳氣不足  
此幅樹石差可意綴得茅堂傍江麓  
連山遠勢亦可取轉折頗似瀟湘曲  
竹

嶼陂陀九疑隔蒼梧洞庭濕雲白黃陵美人把瑤草  
天寒日暮行空澤鷓鴣雙飛鴻鴈宿柵樹颯颯江水碧  
細看谷口花又疑武陵源孤舟欲往不可得對此彷彿聞清猿  
亭間更著四老翁衣冠各異鬚眉同紫芝山深石漠漠  
悵望萬里來悲風人生有形貴自適我今胡爲塵埃中  
觀畫感事面顏紅有畫如此何必工歌徹日送滄洲鴻

觀序上人所藏陶成畫菊石歌

陶生畫菊石老草有筆力此石與此菊今爲序公

得兩株徙倚石根前古石苔蘚屈連錢復有餘株  
散在地平坡雜草青烟綿回株點綴花翩翩含姿  
弄態不一足背向纖穠皆可目突如大家貴介女  
珠翠雖搖氣莊肅近時名手計汝和此生筆力方  
之過江東徐霖學畫石效顰差勝王與何亦知神  
品多冥契下筆巉巖拓高勢石磊磊今菊漫漫清  
霜古路花斑斑遠意頗類東林山東林昔築蓮花  
臺彭澤攢眉不肯來歸家對菊獨銜杯序公叢林  
號白足不重蓮花畚重菊終然畫餅不充腹何如

種向西山麓秋林含芳采服食煮石煉藥亦爲得  
愛鷹愛馬古有之不獨序公何太息

題畫搖筆成詩

去年得歸離江州七日遂登黃鶴樓南風捲江浩  
呼洶飛轟欲翻鸚鵡洲七澤莽昧不入眼孤舟屈  
曲襄河轉數月已擲檀家湖夢飛每到羊公峴峴  
脚山南東道樓秦川公子醉悲秋檻邊斑竹古猶  
活雲石寂寞蒼梧愁重華馭遙不可叫白沙黑猿  
疎樹幽看圖彷彿曾遊處素壁青天漢水流

近似太白

歲暮二首

百騎橫矛血提刀我軍菜色馬蝟毛誰謂漢廣不  
容舠北旗獵獵風黃蒿可憐十羊抗一虎塵沙暗  
河暮淮浦  
枯蓬飛沙原野昏律窮物慘生意存向夕歲嚴扃  
我門霜白月凍啼夜鷗圍爐煨芋啖濁酒有話細  
與妻兒論

洛陽道

桃花馬金絡頭白面郎紫貂裘三月洛陽道垂柳

散篇七首

陰清溝溝水東流不記春花開花落幾迴新東風  
日暮楊花起愁殺高樓獨倚人

送友人入關

南山鬱幽幽豐水白浩浩鳥啼漢城樹塵起咸陽  
道驄馬東方來長鳴翻玉蹄春風吹綠草明月滿  
關西

送友人之京

與君何處別汴州金梁橋下有古時水遙接廣陵  
潮君搖錦帆去萬里上雲霄我掇金光草方期白

鶴招

行歌古澤

川原望不極，愁思滿歸襟。  
雲蔽長安日，水流湘浦心。  
頽陽滅遠樹，積雪明寒岑。  
醉起海月照，行歌入霧林。

白霧樹纍纍作花

不作江南客，空登河上臺。  
夢中到孤山，笛裏落寒梅。  
今朝走白霧，萬枝參差開。  
紫宮散花女，騎龍下瑤陔。  
恍惚弄珠人，玉塵生羅襪。  
歲蕤復颯沓，光采

半明滅。朝陽勿遽晞，留之慰超忽。

客有笑余霜髮者，走筆戲之

客且盡手中觴，不須笑我頭上霜。  
客盡觴且停之，聽我高歌霜髮詞。  
君不見天上烏東跳，西走不相待。  
又不見黃河水萬古，滔滔向東海。  
我身不是南山松，又不是山上峯。  
奈何與年少，爭春風鬪雞走狗。  
傾春紅君不見，昔時孔仲尼。  
轍環顛顛無已時，盜跖殺人如亂麻。  
錦衣高壽顏回嗟，聽我霜髮歌。  
歌短情則多，軒車駟馬渾等閒。  
何似日銜金叵羅。

金叵羅青玉案何以贈客錦繡段頭白頭白何須  
歎

程生遊華山歸也誇我以絕觀動我以靈篇  
爰贈此章抒我夙悵

君行值杪秋飄飄登雲顛笑弄石蓮花俯漱玉女  
泉秦時采松女有無嬉紫烟雙騎兩茅龍曾逢呼  
子先夜棲何峯室遇師叩何詮一虎嘯海月萬壑  
驚風旋颯然毛骨換錯落神光圓晨興扳長蘿朗  
詠青霞篇黃河衣帶去蓬萊瞪目前赤日跳扶桑

仙掌發紅鮮伊予歎茲遊挂心三十年夢想落鴈  
頂攜詩問青天林麓隈層雲奮飛悵無緣安能振  
衣去共爾追羣仙

候輓

冬月初圓夕含悲候輦東閣門猶警蹕松柏已新  
宮象衛悲風入龍旂白霧中有髯渾欲挽雲墮鼎  
湖弓

出塞

胡蔓黃河限秦亡紫塞存積沙浮落日寒霧宿疎

墩哨馬三邊動、燒荒千里昏、將軍拜金印、白骨不曾論。

曉行雲夢澤

曉行雲夢澤、雲起失湖村、歷歷橫江雨、冥冥遠岫昏、  
鼉當馬吼、鷗鷺背人翻、欲擬浮湘作、吾生異楚冤。

九江

九江江九流、廬嶽負江州、世代催前浪、圖書羨上游、  
城孤落日映、虎去暮天幽、夜笛鄰舟送、曲終無

限愁

迴流山亭

登高山盡入、回首見鄱陽、天地開吳楚、絃歌有宋唐、  
峰雲低棟白、湖日倒碑黃、六月吾來此、涼風不可當。

上方寺鐘樓晚登

危閣秋登霽、寒烟晚坐重、長風欲動地、落日故銜峯、  
葦颺騰雙鷺、雲拖挂一龍、此懷吾不淺、怪爾暮鳴鐘。



寄殷明府

自枉去年札約爲嵩少行夢常飛洛水詩屢到伊  
城蘿殿王喬舄花臺子晉笙君行奮雙翮吾此學  
長生

得何子過湖南消息

及遇荆門信洞庭秋已淒湘江饒苦竹幾聽鷓鴣  
啼馬援留銅柱王褒祀碧雞向南衝瘴癘藥物去  
曾攜

送陳左使赴貴州

萬里洞庭西秋風入五溪瘴天開斧鉞山驛斷虹  
蜺水出牂牁繞城臨井宿低堂開花樹紫簫鼓閱  
雕題

送呂先生四川衡聘

大省文衡重名師禮聘遙閣雲寒暑旆棧月引星  
輶古帝蠶叢國今人駟馬橋好將楊馬輩收取貢  
清朝

清明河上寓樓獨酌

一自違京邑飄飄歎此遊桃花是往歲竹葉轉新

愁暮雨津城樹春帆水國樓汴河堤上柳烟色似  
皇州

九日薛樓會集

不倦登樓目遙憐秋色重楓村疊暗浦霜日抱孤  
峯楚越窻中地江山戰後容倚闌渾不語吾欲採  
芙蓉

七夕宜城野泊逢立秋

漢江天上水牛女世間宵自動竈竈影誰傳烏鵲  
橋孤城古塞月一葉楚門潮君看西流火分明奪

斗杓

丙戌十六夜月

是夕微雲中天遂朗因憶往時京華賦詩有清  
虧桂闕一分影寒落江門幾尺潮之句人多傳  
誦彼吾少俊今遽老醜并前詩忘之矣亦以集  
未收載

月豈無晴夜天終有散雲微微透今夕朗朗至宵  
分鏡展池波暈珠明草露文呼兒暖餘酒酌罷一  
鴻聞

小鵲

簷際翻翻鳥、將雛啾啾行、攪眠真懊惱、傳喜不分、  
明化印何年、就填河幾日、平徒然盛生息、羣噪每、  
能晴

簡何舍人二十韻

黃屏通內閣、左順切文華、密勿君臣契、尊崇禮數、  
加詞頭存故事、國體與宣麻、奏絕銅函密、封非墨、  
勅斜四門欽、舜闢隻日鄙、唐邪乾斷人心、協風淳、  
主德遐萬方、咸就日六合、迥爲家司馬、元牛走臥

五言排律二  
首

龍會兎且吹、噓振羽翻變化、奮泥沙、邦計思劉宴、  
兵謀愧左車、分番春扣闥、捧牘晚歸衙、影拂垂城、  
草香攜出苑、花讎經違白、虎投筆困青、蛇每憶仙、  
池鳳私慙省、樹鴉拘羈那、有適追琢異、無瑕不忍、  
醒爲醉、胡由玉倚葭、聖朝巢父耳、荒里邵平瓜、稔、  
抱丘園欲私祈、紀運嘉鳴文、極燕許、熙載老姬牙、  
帝澤川歸海、浮雲莫蔽遮

鄱陽湖十六韻

太祖平陳日、樓船下此湖、波濤留壯色、天地見雄

圖水上開黃屋雲中下赤烏士猶詢後載戈已倒  
前徒力屈鯨鯢仆聲回鴈鶩呼橫江收玉筍跨海  
定金符文軌遙通楚梯航訖至吳虎賁雖莫敵龍  
戰豈全辜血染猶丹草骨沈空白蕪汀洲夜寂寂  
霜月鬼鳴鳴殺氣竈鼉徙腥風島嶼孤督人拾古  
鏃艇客慨秋菰偉彼高光烈還將蕭鄧須英雄協  
睿算勇奮想長驅劔瘞神仍王舟焚勢與徂康山  
巍廟在忠武激頑夫

見雲雷垂垂不雨悵然有作

七言律十四首

大梁城東雲出雷振風拖雨故徘徊黃鸝坐樹深  
無語紫燕銜泥阻未迴卽恐孝娥爲旱塚不聞神  
女傍陽臺火雲西日垂垂暮屋隙愁看返照來

雨中海棠

憐花常欲報花安醉眼冥冥雨自看朶朶臙脂深  
更濕杯杯竹葉滿須乾等閑細片休輕落率爾春  
風且恁寒朝爲行雲暮仍雨淩波獨立汝應難

南溪秋泛

乍見鷓鴣立釣磯還驚翡翠掠波飛汀葭晚宿濛

濛霧野竹晴含宛宛暉謝傅未忘舟楫興楚臣空  
戀芰荷衣蒼茫水落雲泥靜悵望林翁却自歸

遊上方寺晚登鐘樓

東北叢林冠此都地分清寂聚僧徒青天寶塔還  
今古赤日珠光乍有無草徑露乾時獨立松林鶴  
立晚相呼登樓更見河流急歎世因悲馬負圖

爲崔後渠詠棗竹亭

崔家孤亭萬竹裏繞窻栗栗青琅玕結實當春鳳  
不餒託根有地龍且蟠霜風飄蕭起空谷美人翠

袖生暮寒彼淇盈盈一水隔望而不見徒自歎

北行家兄與內弟玉實間行道緩急卽如雷

霆之下覓魄並褫矧又加饑渴

吾兄淚眼若懸河內弟尨羸苦更多昏黑同行草  
莽裏明星獨傍邑城過荒山葛藟繁初蔓空屋荆  
花滿故柯臨路斷腸俱哽咽望歸攜手向烟蘿

發南浦贈人

大寒冰雨何紛紛曉行日臨江吐雲得風舸舸故  
相逐異港鳧鷗還自羣浦南蓼洲春欲動岸西雪

山晴未分與君接席向杳靄吟坐傳杯侵暮曛

和見素林公詠懷

青天萬仞削芙蓉憶踏匡廬第一峯哀壑暮雲埋  
虎豹大江春浪變魚龍天池御筆親留碣石室山  
僧獨扣鐘搔首昔曾霄漢上舊泥應被紫苔封  
投簪萬里旋舟日暫憩覃園傍峴西潭起漢娥留  
佩賦井傳王粲倚樓題林猿浦鴈心常往楚雨襄  
雲路不迷縮項一槎真欲釣幾時重訪鹿門棲

夏都給勘鄴潞之戰惠見憶之作寄答

岿堯上黨接壺關杖鉞冬行歷萬山巖凍雪埋槍  
虎窟壑腥雲嫋斫龍灣嶮巉路透漁樵入蒼蔚林  
清烏雀還爲問登高能賦者霜毫幾掃白雲間

九日繁臺

禹廟登高人盡迴儒宮下馬盡殘杯奔陳孔甲元  
孤憤去趙虞卿且未哀高葉下風還抱石片雲拖  
雨故臨臺酒闌却憶十年事半醉呼鷹向此來

再約陂泛屬風雨阻

自游此陂秋每晴再約寧知風夜驚紛披已詫黃

葦亂吞吐能禁白浪生朝來霧雨細細動時有鴻  
鴈嘈嘈鳴但問舟航今好在無愁天地無開明

辛巳九日田子要東坡之遊雨弗克赴

衝泥杜甫吟愁雨落帽參軍醉倚風雲水無緣雙  
放舸蒹葭何意獨鳴鴻青沙錦纜相期地白首黃  
花轉望中借問臨高把杯酒幾層湖閣坐秋空

無事

無事日長春但眠水昏野暗風常顛繁葩亂葢眼  
欲盡乳燕啼鶯心自憐匣中幸猶有雙劍杖頭奈

可無百錢人生幾何忽已老激昂淚下如流泉

朱遷鎮

水廟飛沙白日陰古墩殘樹濁河深金牌痛哭班  
師地鐵馬驅馳報主心入夜松杉雙鷺宿有時風  
雨一龍吟經行墨客還詞賦南北凄凉自古今

送周判官

明燈綠酒五花裘客舍新秋螢火流問君不飲真  
何事明日出城風葉愁

送王翰

此為室同七  
言律第一首  
古墩字亦非  
詩沙墩至梁  
苑二十五亭  
即此相近  
首七言絕十三

王郎口談金虎文自稱師是紫陽君挂帆明日忽  
南去影落龍江五色雲

望上青山

碧山新起赤霞宮玉帶真人曉御風金檢奏回天  
一笑九霄來往鶴如虹

舟次石頭口

窻開面面水風微五月江空冷照衣此艇果如天  
上坐茶烟化作綵雲飛

夷門十月歌

小麥青青水半波半落不落楊柳枝回風忽送天  
南鴈恰似春江二月時

潯陽歌

百尺高樓橫映江江花朶朶照成雙風波隔浦遙  
相喚腸斷南來北去艤

京師春日漫興

十日不出花盡開城南城北錦成堆卽教閉戶從  
花盡莫遣看花不醉迴  
杏花盈盈太逞姿桃花灼灼亦不遲縱饒種露栽

七言絕之佳  
境也



雲地可奈風狂兩驟時  
東門百花紅照天獨樹梨花更可憐但看絃管朝  
朝急不道春風不費錢

夷門曲

南堤二月杏花紅北堤高樓紅映空珊瑚寶玦誰  
家子繫馬門前青樹中

新水至二首

桃花照水楊柳長河水新添一尺強昨夜舳舻銜  
尾至不是魚航是酒航

時和驛邊河水流康王城近舍西頭青蘋滿眼汀  
洲襲芳草連天無那愁

春日豫章雜詩

每愛高樓畏獨來非關勦力怕徘徊江頭無限桃  
花樹恰到來時滿眼開

明山草亭

舊業門前五柳綠橘黃柑數畝煙霞不負閒身社  
稷空餘白首看月天柱峯頭採藥洞庭湖口扁舟  
薄暮歸來疑是滄波釣叟

晚出禁闈二首

楊柳南城道芙蓉小苑通  
內使來調馬君王勅射  
熊  
夾城雲氣夕露掌隱金盤  
楊花白雪亂風起滿長  
安

東華門偶述

銀甕爛生光盤龍繡袂香  
但知從內出不省賜何  
王

黃州

浩浩長江水黃州那個邊  
岸迴山一轉船到堞樓  
前

雙泉寺題壁

寺僻無人行夜雨長秋草  
山僧出迎客落葉不會  
掃

開仙寺二首

飛  
瀑布生煙暝山杯坐不歸  
籠燈過潭水疑是玉龍  
飛  
瀑布半天上飛響落人間  
莫言此潭小搖動匡廬

無愧太白

如此絕句妙  
絕古今世之  
愛空同詩者  
只效其七言  
律俗矣卑矣

山

江行雜詩二首

迎送山相似舟移迷北南  
回看阜口日已照石華潭

日出青蘋濕江渾路不分  
昨宵驅雨至知是海南雲

寄徐子

東省堂前樹南陽宅裏花  
春風如往日夜月向誰家

絕似王摩詰

贈何舍人

朝逢康王城暮送大堤口  
相對無一言含悽各分手

寄都主事穆

江草喚愁生思君黃鳥鳴  
遙心將夜月同滿闔閭城

送人

頗訝楓林赤無風葉自鳴  
來人與歸客同聽不同情

送人赴舉

寶劍動連星、金鞍別馬鳴、持將五色筆、奪取錦標名、

觀袁未之樂府戲裁子夜歌寄

為問閭門柳、年來青若何、館娃明月夜、醉擁越兒歌、

是樂府體醉擁字從越人今夕歌中來

空同詩選目錄

古體

河之水歌

雞鳴歌

內教場歌二解

招隱山辭

樂府

擬前緩聲歌

郭公謠

豆娘子

榆臺行

白毛行

長歌行

禽言四首

董逃行五解

雨雪曲三解

獨漉篇

襄陽浣婦行

鴈門太守行

渡河篇

黃鵠篇

擬燕歌行

采菇曲二首

史烈女

艷歌行三解

汝爲我楚舞

車遙遙

五言古

李廣

春日洪法寺後岡

溫太真墓

功德寺

鏡光閣

酬伊陽殷明府

乙丑除夕

湘妃怨

朔日

贈蒼谷子

寄贈玉溪子

七言歌行

自從行

羈旅翁行

寶刀篇

士兵行

豆莖行

贈何舍人

上元訪杜鍊師

送大司馬劉公

秋夜徐編脩宅宴別醉歌

朝飲馬

結交行

石將軍戰場歌

玄明宮行

乾陵歌

漢江歌

吳偉松窓讀易圖歌

鍾欽禮山水障子歌

觀序上人所藏陶成畫石歌

題畫

歲暮二首

散篇

洛陽道

送友人入關

送友人之京

行歌古澤中

白霧樹

客有笑余霜髮

程生遊華山

五言律

候輓

出塞

曉行雲夢澤

九江

迴流山寺

上方寺鐘樓晚登

寄殷明府

得何子過湖南消息

送陳左使赴貴州

送呂先生衡聘

清明河上獨酌

九日薛樓會集

七夕野泊

丙戌十六夜月

小鵲

五言排律

簡何舍人

鄱陽湖

七言律

見雲雷不雨

雨中海棠

南溪秋泛

遊上方寺晚登

為崔後渠詠築竹亭

北行

發南浦贈人

和見素林公詠懷二首

夏都給勘鄴潞之戰惠見憶之作寄答

九日繁臺

再約陂泛

九日弗克赴田子要東陂遊

無事

朱遷鎮

七言絕句

送周判官

送王韜

望上清山

舟次石頭口

夷門十月歌

潯陽歌

京師春日漫興三首

夷門曲

新水至二首

春日豫章雜詩

六言

王諱

明山草亭

五言絕句

未題

晚出禁闈二首  
干嬰東東華門偶述

黃州

雙泉寺題壁

開仙寺二首  
江行雜詩二首

寄徐子容

贈何舍人  
公宿對二首

寄都主事穆

送人

送人赴舉

觀袁未之樂府



附空同詩選

昭代之有空同猶唐之有李杜  
庶幾兄漢魏而弟三唐駸乎  
出入風騷也各體凡二千一百  
四十九首升菴選焉質之張禹  
山者得一百三十六首噫亦嚴

矣歲戊午廣陵冒宗起馳書  
寄我是編蓋世未有傳者昔升  
菴閱古有得輒以示禺山謂之  
千里面談余於宗起曾未識面  
忽辱枉寄六一跋佳事也不可以  
不識之烏程閔齊伋

